



CENTRALE BANK VAN ARUBA

CONFIANSA DI CONSUMIDOR MENOS PESIMISTA

Comunicado di prensa¹

Resultado pa e di prome trimester di 2021

Oranjestad, 25 di mei 2021 – Durante e di prome trimester di 2021, consumidornan tabata menos pesimista mientras cu e confianza di consumidor a subi te na 93,6, un aumento di 0,6 punto di indice (Grafiek 1)².

Na final di e di prome trimester, e preocupacion mas grandi di consumidornan tabata nan oportunidad di empleo mirando cu 70 por ciento di encuestadornan a raporta cu pa haña trabou a bira mas dificil compara cu 6 luna pasa. Tambe, 65 por ciento di nan ta haña cu e posicion financiero di gobierno a empeora y 64 por ciento a indica cu nan ta preocupa ainda pa nan estado di salud. Por nota cu 72 por ciento di encuestadornan a raporta cu nan lo tuma e vacuna den 2021. Un 56 por ciento di nan ta sinti cu e condicionnan di negoshi y economico a deteriora, mientras cu 55 por ciento a indica cu nan situation financiero na cas a keda igual compara cu 6 luna pasa.

Den e di prome trimester di 2021, e indice di e situacion actual a subi cu 0,4 punto di indice te na 92,1, mientras cu e indice di expectativa a crece te na 96,0, for di 94,2 den e trimester anterior, reflehando sentimentonan menos pesimista di consumidornan pa cu nan futuro. Mas cu mita (56 por ciento) di e encuestadornan ta anticipa cu e periodo di e recuperacion economico di Aruba lo dura mas cu 2 aña pa recobra completamente di e crisis causa pa COVID-19. Den e di prome trimester di 2021, 72 por ciento di encuestadornan a raporta cu

compra di un auto no tabata apropiada, 67 por ciento a informa cu tuma un prestamo no tabata adecuado, mientras cu casi 62 por ciento a indica cu bai cu vakantie of tuma un hipoteca no tabata adecuado. Consecuentemente, e indice di habito di consumidor a subi te na 93,6 den e di prome trimester di 2021, for di 93,4 den e di ultimo trimester di 2020.

Grafiek 1: Indice di Confianza di Consumidor



Fuente: Banco Central di Aruba

Informacion adicional riba e encuesta di confianza di consumidor ta disponibel riba website di CBA (<https://www.cbaruba.org/>).

Banco Central di Aruba
25 mei 2021

¹ E version original na Ingles ta prevalece,

² E indice por varia entre 90 y 110. Entre 90 y 100, e indice ta muestra un situacion di pesimismo. Un indice di exactamente 100 ta indica cu negoshinan no ta ni optimista, tampoco pesimista, pero ta neutral den nan pensamiento di desaroyo economico na Aruba. Entre 100 y 110, e indice ta muestra un situacion di optimismo den pensamiento di negoshinan